



*Udruženje Vijeća roditelja osnovnih škola Kantona Sarajevo
ul. Terazije 48 (O.Š. Vladislav Skarić)
e-mail: udruzenje_vrosks@yahoo.com*

Kratki Izvod iz Zapisnikansa sastanka sa predsjedavajućim osnovnih škola sa Općine Novi Grad održanog 30.11.2011.god.u 17,00 časova u O.Š.“Meša Selimović“,pod pokroviteljstvom OSCEa

- Dnevni red:
- 1.Uloga vijeća roditelja u radu škole i svakodnevna uloga roditelja u obrazovno-odgojnom procesu
 - 2.Dosadašnje aktivnosti Udruženja VROSKS na domaćem i međunarodnom planu
 - 3.Informacija o pripremama za Skupštinu Udruženja
 - 4.Razgovor o aktuelnim pitanjima

Ispred Udruženja prisutni dr.Amela Penava.mr.Elvir Resić.Ispred Oscea gospođa Suzana Škobo.

Prisutni članovi vijeća roditelja:

- 1.Edina Gabela,Vejzil Katana, Adnan Ahmethodžić,Selak Veselinka- O.Š.“Meša Selimović“

- 2.Senad Turković,Elvir Resić,Ermina Dumanjić,Edita Uglješa-O.Š.“Aleksa Šantić“
- 3.Cico Hamdija,Melika Šarić,Nermin Bečirević-O.Š.“Dobroševići“
- 4.Baković Mersa,Aida Prašović,Dautović Irvella-O.Š.“Džemaludin Čaušević“
- 5.Medina Kovačević,Ekrem Lagumdžija,Nermin Zulfikarpašić-O.Š.“Čamil Sijarić“
- 6.Adnan Hebibović-O.Š.“Avdo Smajlović“
- 7.Almira Drnda,Lejla Maslo-O.Š.“Mehmedalija Mak Dizdar“
- 8.Elvira Kapur ,Salim Džananović-O.Š.“Sokolje“
- 9.Mirsad Majstorić-O.Š.“Behaudsin Salmanović“
- 10.Bajramović Mersiha,Redžović Elma-O.Š.“Umihan Čuvidina“
- 11.Edib Lagumdžija,Sunah Tinjak,Mesud Šadinlija-O.Š.“Fatima Gunić“
- 12.Amela Penava –O.Š.“Skender Kulenović“

Pedagog škole domaćina gospođa Milena se obratila i poželila dobrodošlicu i ugodnu radnu atmosferu.Predsjedavajuća O.Š.“Meša Selimović“ gospođa Edina Gabela se obratila,i zahvalila članovima Udruženja na dolasku,i riječ predala Ameli Penava predsjedj.

Gospođa Penava je pozdravila sve prisutne,zahvalila se na odazivu ,što je pokazatelj da smo kao roditelji involvirani u odgojno obrazovni proces naše djece.Pročitala je dnevni red ,koji je jednoglasno usvojen i riječ predala Elviru Resiću.

AD-1

Gospodin Resić je ukratko se osvrnuo na Okvirni zakon o osnovnom obrazovanju, i član 100 kojim je regulisana uloga i obaveze i bitnost rada vijeća roditelja u školama. Elvir je istakao bitnost uključenja osvjete roditelja, koji svojim angažmanom mogu poboljšati odgojno obrazovni rad, i pomoći da se djete stavi u centar pažnje. Istakao je da smo ispred Udruženja i sami bili u radnoj komisiji, koja je radila na dopunama i sugestijama Zakona o osnovnom obrazovanju, koji je usvojen sa izmjenama. Zakon sadrži promjene sljedeće: u Školskim odborima će umjesto jednog roditelja biti tri člana koji će morati imati pisanu potporu članova vijeća roditelja i na taj način zastupati mišljenje isključivo vijeća roditelja, manja mogućnost lobiranja i polizicije, druga vrlo bitna stavka jeste da će za djecu sa poteškoćama u inkluzivnom obrazovanju obavezno biti asistent koji će omogućiti kvalitetnij odgojno obrazovni proces i djetetu u inkluziji i drugoj djeci, externa matura koja će biti test znanja i za učenike, i rad prosvjetnih radnika škole, i niz drugih promjena za dobrobit djece u osnovnom obrazovanju. Na Skupštini je bila prisutna gospođa Penava, koja se obratila Skupštini i zamolila prisutne da ostave političke opcije po strani i da Zakon posmatraju samo u interesu djece i da uz kulturu dijaloga se pronade i kompromis oko amandmana vezani za vjeronauku, jer imamo daleko bitnije probleme: NPP, udžbenici, loše držanje tijela, djeca iz socijalno ugroženih porodica kojih je svaki dan sve veći broj.... Istakla je da u partnerskom i zajedničkom radu možemo i trebamo se približiti Evropskim standardima obrazovanja, a imamo dobru podršku od Ministarstva obrazovanja i ministra Suljagića. Elvir je predao riječ gospođi Penava i predložio diskusiju na četvrtoj tački dnevnog reda.

AD-2

Gospođa Penava je ukratko upoznala prisutne sa radom Udruženja, jer do sada je u praksi bilo da na svakom sastanku Upravnog odbora prisustvuju predsjedavajući vijeća roditelja osnovnih škola sa K.S. Sem toga pisani materijal je redovno prosljeđivan na škole na ruke predsjedavajući vijeća roditelja.

Praksa je pokazala da je protok informacija bio ne dovoljan i da mnogi nisu dobijali taj materijal, jer nažalost komunikacije između roditelja i menadženta nisu na zavidnom nivou u mnogim školama. Otvorena diskusija. Roditelji O.Š. "Fatime Gunić" nisu zadovoljni sa saradnjom sa Udruženjem. Penava je pojasnila da predsjednik iz iste škole gospodin Mane je dolazio nasastanke, bio i na dvije Skupštine, i da se mi svi moramo obostrano uključiti informisati u jednom cilju a to su naša djeca. Sav rad je u Udruženju volonterski, što znači da svi trebamo se uključiti i zajednički riješavati, počevši od matične škole-lokalni nivo, pa onda na nivou Kantonalnom. Gospodin Senad Turković iz O.Š. "Aleksa Šantić" je predložio da se sastajemo jednom mjesečno na lokalnom nivou, jer tu postoji vakum, i na taj način ćemo pospješiti naš rad, a gospođa Penava je istinski radila, to sam pratio i u medijima. Predlažem da napravim našu web stranicu, radi bolje komunikacije. Penava se zahvalila gospodinu Turkoviću, i u diskusiju se uključili ostali roditelji, koji pozdravljaju rad Udruženja i rezultate postignute na Kantonalnom nivou. Izneseni problem krova O.Š. "Fatime Gunić", gdje sanitarna inspekcija prijeti zatvaranjem, zatim gospodin iz O.Š. "Dobroševići" predsjednik Cico Hamdija iznosi cjelokupan problem ne uslovne škole, koja je uz sve navedeno priključena na septičku jamu, čisti izvor infekcije, problem prevoza đaka... Razgovarao sa gospođom Penava koja se odmah uključila u rješavanje problema, a član vijeća roditelja gospođa Melika Šarić iz iste škole je od samog početka

involvirana u rad Udruženja, kao i mnogi drugi roditelji iz drugih škola. Penava je iznijela i problem Sedme osnovne na Ilidži koja je sagrađena 1931. god. i u potpunosti neuslovna za djecu, i istakla da smo iz Udruženja na svaki dopis iz škola reagirali i vršili pozitivan pritisak prema relevantnim institucijama što vodi ka rješavanju problematiku, uz kulturu dijaloga, u partnerskom odnosu. Problem je i biranje predsjedavajućeg svake školske godine, jer se na taj način gubi kontinuitet u radu i informacijama, ali usvajanjem jedinstvenog Poslovnika o radu vijeća bi došlo do ujednačavanja i jednoobraznosti. Poslovnik upućen na sve škole, dobili pozitivne sugestije od vijeća, direktora, saziva Ministarstva u prošlom mandatu, a i od sadašnjeg saziva. Sve je to dobar pokazatelj našeg rada, koji treba da bude i još bolji. Na prijedlog prisutnih i kao zaključak da se bolje raspoređuju budžetska sredstva prema školama u stvarnoj potrebi, jer na taj način bi se rješavala lakše stvarna situacija.

Obavijestila prisutne da se dosta informacija može vidjeti na portalu www.skola.ba-roditelji-vijeće roditelja, a imamo i web stranicu koju je otvorio roditelj Senad Turković i održavati će stranicu: www.vrks.ucoz.net. Puno se toga uradilo, uspostavili su se partnerski odnosi sa Ministarstvom obrazovanja i nauke K.S., PPZ i menadžerstvom škole, a to znači da smo mi partneri spremni na saradnju u interesu naše djece, i kroz jedan obrazovni lanac djete-roditelj-škola, zadovoljiti interese djece, a kroz njihove interese i prosvjetne radnike, na obostrano zadovoljstvo, jer samo zadovoljan prosvjetni radnik može dati maximum u radu. Po pozivu smo odlazili na vijeća roditelja, uključivali se u rješavanje sve problematike, i evidentno je da imamo škole gdje nam djeca nemaju osnovne uslove za normalno pohađanje nastave kao Sedma osnovna 800

učenika, četiri smjene, bez sanitarnog čvora, O.Š. "Dobroševići". Pozivam vas na saradnju i da nastavimo i boljim tempom i da riješimo u narednom veliki broj problema. Kao krunu našeg rada dobili smo Zahvalnicu od Ministarstva, kao i ja kao pojedinac građanin Kantona koji je nesebično učestvovao u poboljšanju uslova odgojno obrazovnog procesa u osnovnim školama, a to znači da smo involvirani i da se pitamo.

AD-3

Elvir i Amela su dali objašnjenje da smo zahvaljujući učešću na Međunarodnim konferencijama postali članica Evropske asocijacije roditelja, jer smo svojim prezentacijama BiH, nas, Ministarstva prepoznati i primljeni u članstvo, a predsjedavajući gospodin Johannes Thainer će doći na našu Skupštinu i dati nam podršku, a to je velika stvar, da Evropa dolazi nama u susret. Istio tako će biti naš ministar dr. Emir Suljagić, kao i naš kordinator Lamija Husić prof. Na Skupštini ćemo objediniti vijeća osnovnih i srednjih škola, i imati krovno tijelo, koje je članica EPE. Cilj nam je podstaknuti i roditelje u srednjim školama, jer problematika je istovjetna i zahtjeva angažman roditelja, kao prevenciju nastanka i delikvencije i drugih loših stvari. Članarinu za EPU nam je platilo Ministarstvo obrazovanja na čelu sa dr. Emirom Suljagićem, koji je istinski naš partner u obrazovanju, i to je dokazao kroz nastavak odlične saradnje sa prethodnim ministrom. Pozivnice će dobiti svi predstavnici osnovnih i srednjih škola, gdje ćemo prethodno dostaviti i doručeni Statut, Poslovnik koji smo vam sada donijeli koji bo bio za sve škole, a u cilju da bude jednoobrazan rad u školama. Jedini smo iz čitave regije koji smo postali članica EPE, i čak ni Slovenija

nije koja je po obrazovanju najnaprednija i sa najuređenijim sistemom. Gospođa Suzana je to potvrdila i pohvalila rad i napore da to uspijemo jedini iz šire regije.

AD-4

Sljedeći sastanak Općinskog nivoa je 12.12.2011.god u 17,00 časova u O.Š.“Meša Selimović“,web stranica www.vrks.ucoz.net(Senad Turković)

Sastanak završen u 19,00 časova.

Amela Penava

Elvir Resić